

晚晴籀詩匯

晚晴雜詩圖

晚晴簃詩匯卷一百七十目錄

世續一首

鄭文焯十六首

丁立誠三首

易順鼎四十七首

黎汝謙一首

陳書二十一首

徐世勳二首

何家琪四首

陳作霖十二首

蔣萼二首

蔣師軾九首

朱貽泰一首

張仁黼八首

顧璜二首

高賡恩四首

龐鴻文三首

黃澐之一首

陶銳三首

聞福增一首

葛之覃一首

劉曾騷三首

謝安

一首

謝靈運

一首

謝靈運

四首

謝靈運

八首

謝靈運

九首

謝靈運

十二首

謝靈運

二首

謝靈運

一首

謝靈運

三首

謝靈運

一首

謝靈運詩選卷一百一十目錄

晚晴籀詩匯卷一百七十

徐世昌

世續字伯軒滿洲旗人光緒乙亥舉人官至文華殿大

學士諡文端

詩話文端係直最久熟於禁中故事會遭國變憂悴以終詩不經見閱延子澄遺逸清音集得一絕句錄其人

定靜堂秋雨

綠槐庭院最清寥
小卧詩牀俗韻消
淅淅聲喧驚午夢
隔窗冷雨打芭蕉

鄭文焯字叔問一字小坡漢軍旗人光緒乙亥舉人官

內閣中書有大鶴山人詩集

詩話叔問爲蘭坡中丞瑛榮少子世擅鑒藏承其家學羣精經籍故訓工於書畫旁通羣藝晚尤以詞得

名所著瘦碧冷紅比竹餘音若雅諸集刪定爲樵風
樂府近代詞流特稱精詣詩多客吳中作情辭麗逸
不失雅音

園居早春寄山中客

林鳥春多聲池花落還見連情美瞻聽逐物矜芳衍盛往
識來希娛新增舊眷佳人處帷屏高製絕雕絢碧雲殊未
期瑤華獨誰薦歡怨隔歲年宿心違繾綣載枉黃鵠篇感
音發哀斷夕思初月盈晨憂繁星散良游信乖絕念子長
粲粲鳴彈答幽素擷馨託柔翰及時徵昔言山阿遂嘉踐
寄幼蘭兄潮州

秋館奄夕陰近霜桂始華晚秀有新妍勝賞無世譁附物
徇時美切情寄幽遐渚鴻違北栖江魚泳南嘉嶺表遲高
聞吳趨獨哀哇苒苒年事別茗茗旅望賒念予同懷睽興

言行役嗟

秋思引

秋風嘯谷驚蒼松水簾懸雨千尺淙壞衣老僧罷晨梵空
山落葉聞霜鐘颯然萬籟忽岑寂孤鶴叫破青芙蓉山虛
水深白雲遠嶢嶢亂石無人蹤古來此意誰復會新聲慘
亮爭蟬蛩起拂朱絃三歎息世無稽蔡吾何從

九日泛舟楓橋

雲鱗疊空生麴波酒中倒卧秋山螺蛾眉小綠破雙萼醉
把茱萸勸殘酌蘭風吹寒歌扇薄水枕夢回怨萍泊吳歛
未終楓葉落二十五聲秋點索

白雁歌

江城霜信初聞鴻昨日登高來北風菰蘆蕭蕭野水闊瀟

湘天盡秋雲空蘭釵小婦夜幽苦殘月樓中絃自語盛年
孤豔空閉幃玉顏不及南飛羽近聞湖海矰繳多高飛冥
冥愁奈何長林喬枝不可擇笑看燕雀紛投羅

字鹿謠

光緒己丑秋吳郡大雨田間積潦數尺歲將
大無九月廿六日復聞雷異南宋吳諺有云

秋字鹿損萬斛蓋
田家五行占也

秋字鹿損萬斛東畦種禾西畦菽禾頭生耳菽生蠋城中
穰草干錢束字鹿謠哀嗷嗷昨日湖水平南壕鵝鴨集廬
魚升橋出無航居無茅荒荒飢色近在郊四鄉那不愁漂
搖鄰災況聞江有蛟

秋霖行

老農昨入城爲言道光季淫雨晝成晦野漚船入肆傾畦
連畛水沒人廬游鵝鴨田生鱗強梁白梃走簷下官符到

鄉還捉民吳儂樂歲無餘業年災一值如赤貧公中豈無
歲時蓄南倉北倉雀噪困昨聞詔卹寬租欠計歲行恩到
鄉縣誰憐下戶尾畢逋不輸官府輸胥掾今年秋霖積田
水視昔潦年差尺半天時人事不可知今朝雨雹昨雷電
我聞此語心忉忉隱几恍見波瀾高坐使愁心戀江海武
陵漁者儻可招

聞雁

秋水渺無極愁心送白雲西風何太急北客獨先聞旅夢
蒼煙寺樵歌黃葉墳江南匙膾繳雨夜尙呼羣

讀高陶堂志微錄書後

夢落滄流此輟絃一官滯調偏殘年振奇文字投珠晦垂
老功名誤瓦全甯惜清流論黨局從教才思傲頑仙荒荒

西曜湛歸翼虛傍柴桑卜墓田

舊婉

舊婉前華脈脈思疏風閒雨閣蘭期湖山夢冷成詩瘦絃
管聲繁易酒悲襟上唾花空有恨尊前梅柳爲誰姿柔腸
苦被明眸割徹骨風流鬢已絲

壬老將去吳感贈長句

霜信初丹晚桂林閉門秋思已深深冥鴻遙帶瀟湘雨樊
鶴猶餘江海心雲物空濛迴北望詩歌浩蕩發南音不辭
更醉重陽酒別後蘭茱漫獨吟

元墓山樓重見舊題

空寒煙月五湖灣經歲看花數往還片石誰堪同日語高
雲終是在山閒十年西崦虛仙籍幾度東風破醉顏欲采

青芝徵舊夢

青芝山在石壁東北梅花最深處

樵風長識鄭家山

楊柳

秋盡江干柳未黃
官亭相送只斜陽
漢南何意先搖落
枉及東風作絮狂

綠塵帳殿晚陰移
舞袖飄零怨楚姬
莫把長條贈歧路
故宮猶得妬腰支

靈巖

日暮誰聞小海歌
胥屏東望五湖波
無多故國青山在
枉費宮眉十斛螺

夜雨有憶

花外疏疏暗雨過
西園明日綠陰多
故人不寄瀟湘夢
一夜春魂泣女蘿

丁立誠字修甫錢塘人光緒乙亥舉人官內閣中書有

小槐移吟臺

詩話錢塘丁氏富於藏書竹舟松生兄弟歸書文瀾閣世豔稱之修甫爲竹舟猶子濡染家風精目錄版本之學詩亦以考校擅長

角花箋歌

金花半角玉版方曾沐純廟題奎章浙江疆臣拜手獻楮
先生侍南書房是時遭際重臺閣徵士聯吟盡鴻博吾杭
杭厲本鄉親如鳳之翎麟之角百四十年時不同流落燕
臺花市中世情莫歎薄如此幸有同聲片楮通我昔相遇
琉璃廠短幅長箋兩心賞攜歸同社贈新詩首唱鐵花老
詞長先生先世尤可詳晉有蠶繭唐硬黃百金不許市一
紙江南供奉澄心堂碧雲春樹好顏色紅染桃花豔芳澤

終古家聲重洛陽白州刺史高華職有明繁盛宣德年遠
族更有側理箋二林家寶不敢祕亦拜天家賜錦鮮先生
之風無瑕淨老去紅顏花掩映願花常好楮國春我尙依
依桑梓敬清平四海萬千秋來助人修五鳳樓新翻花樣
馬一角快寫吉語羊千頭

孫仁甫丈炳奎出觀先世所藏溫公澄泥硯李延平
有題名南宋爲魏鶴山得見眞西山跋明有文衡

山觀款

南唐澄泥第一品北宋黨碑第一人匪硯之重世自不敢
輕況其溫溫玉質媚媚出水蓮丰神硯之方正見公德硯
之圭角表公節公兮硯兮皆可述獨樂園中說周易墨花
濡染傳家集鳳咮龍尾伯仲間只許橋亭謝升堂玉帶文

入室前有觀者李延平後有觀者文徵明其中更有西山
鶴山來同盟八百載後歸之樂安孫可與宋雕資治通鑑
稱爲兩足尊

君家藏宋刻通鑑
劫後尙存殘本

元妙觀石畫搨本

墨雲四壁石畫張玉丫叉展東書堂坐論文物六朝古晉
太元迄隋開皇是時苻堅敗淝水安石賭墅殊清狂林邑
範佛貢方物金盤戴首珠騰光長星一杯勸汝酒昌明讖
符晉不綱蟲沙猿鶴化異類繞樹烏鵲悲流亡楊花落盡
李花放東海鯉魚雲中翔憑闌默坐者誰子知音或爲萬
寶常以古爲鑑痛爭戰刻石垂戒昭文章昔我征車濟甯
駐石室畫象搜武梁郭巨朱鮪墓題彫龜池李頌誇禎祥
何若射陽謁尼聖問禮雁贄周道旁金石圖史左右列襄

陽一舸游金閨金閨元妙古道觀爲五都市百戲場氎椎
響搗蟬翼薄瓊玖珍貺投錢郎廉石鬱林訪學舍劍池虎
阜摹山岡縱有題字歲月近媚俗書畫開文唐

易順鼎字實甫一字中實龍陽人光緒乙亥舉人歷官

廣東欽廉道有琴志樓集

詩話實甫童年奇慧世以懷麓目之早負詩名足迹
幾徧天下所至成集隨地署名合編爲琴志樓集詩
體屢變中以廬山詩爲最勝張文襄雅賞之曾加評
點四魂以後日趨恢詭雖以務爲工對雜用俚言爲
世譏訶而才筆縱橫自是健者
方諸舒鐵雲王仲瞿殆相伯仲

入廬山

名山別經歲見面恆苦疏重尋意已欣況有嘉客俱二州
連荆揚三宿異舟車囂塵背江郭負睇凌霄隅靈象紛在
眼造化爲之樞層陰漏雲日倏矚光景殊仙人騎白龍游

聯珠詩集卷一
戲於空虛峰峰各生煙不辨誰香爐天風入澗籟萬竅酣
笙竽靈雨木末來蕭颺滿人裾豈敢怨霑溼田歌歡有餘
余亦自怡悅茲游清可書

濂溪墓

元公祠下望不見蓮花峰指點讀書處白雲生幾重斷碑
村豎畫高冢縣官封一樹霜皮老還疑欲化龍

雨中山行

連山塞鴻濛萬秀爭一雨杳冥陰陽中青蒼割吳楚長飆
吹元雲散此鴉外縷村偏行人稀草木接太古酣葉搖天
聲怪石挾溪怒百霆與千雷暝鬪林壑語喧笑雜蛙黽跬
步窘蛟虎淒籟孤襟寒溼路一綫取佳游雖愉快僮僕已
勞苦身穿雲根幽回首迷處所

鐵壁山村雨夜送羅二還南昌

入門避雨屋打頭困眠一榻鄰豬牛雨腳遮簷萬山黑荒
村四月寒如秋瓦鐙在壁坐搖影兀兀欲照分襟愁范陳
對宇阻泥潦一街似隔干神州通家卅載未相遇遇君武
昌今兩度相攜肝膽入名山豈意山中送君去別夢宵沈
廬阜雲愁心曉挂章門樹淵明慧遠不可逢高人去後惟
青峰昨宵與君連榻處三生同聽東林鐘憐君病齒歸思
劇試飲寒泉銷內熱二輪風火足爲災六鑿根塵皆是賊
知君淨業持已深一心頗似維摩詰養和學道與天游他
日見君當玉色

雨行至通遠驛

蛟龍徙窟穴平地生湫淵奔湍挾勁弩倒射千山穿元雲